



DEO OPTIMO MAX. UNI ET TRINO,

VIRGINI DEI-PARÆ, ET S. LUCE,

Orthodoxorum Medicorum Patrono.

QUÆSTIO MEDICA
CARDINALITIIS DISPUTATIONIBUS
*manè discutienda in Scholis Medicorum, die Jovis vigesima septimâ
mensis Martii, anno Domini M. DCC. LXXXII.*

M. JOSEPHO-JACOBO GARDANE, Cenfore Regio & Regiæ
Scientiarum Societatis Monspelienfis necdon Regiarum Academiæ
Nancei & Massilæ socio, Doctore Medico, Præside.

Utrum homo sanus, qui & bene valet & suæ spontis est, nullis obligare se legibus debeat?

I.

TRITUM & vulgatissimum proverbium est, *Miserè vivit, qui medicè vivit.* Quam calumniam in Medicinam non iniecissent voluptatum sectatores, si, melius perceptis, quæ tradit ad sanitatem tuendam, præceptis, boni & mali falsas non conceperint ideas. Miseri! qui vanâ felicitatis imagine delusi nubem pro Junone captant. Quæ enim absque sanitate felicitas, aut quæ miseria morbo æquiparanda? Tantum abest igitur ut infelices dicendi sint, qui præceptis Medicinæ obtemperantes sanitati consulunt & morbos præcavent, ut è contrâ soli felices sint prædicandi, cum soli fruuntur valetudine, fundamento absque quo perit necessario omnis voluptas.

Propugnata, 26 Februarii 1761, M. Augustino REX, Thæcos Authore,

C-20

2

Tandem autem magis sunt increpandi illi obrectatores Artis saluberrimæ, quod præceptis suis non minus prospiciat Medicina voluptatibus quam sanitati : nullamque voluptas potior illa, quam antecedit naturalis appetitus, & ut illum integrum servent non minus temperantiam sapientiores Epicuri sectatores, quam Hippocratis alumni commendant. Sed ut talem contumeliam à doctrinâ medicâ melius avertam, propugnare aggredior in agone hodierno effatum illud ex *AURELII CORNELII CELSI*, de Medicinâ Lib. I. Cap. I. Desumptum, *sanus homo, qui & bene valet, suæ spontis est, nullis obligare se legibus debet.*

I I.

SANUS vocatur qui omnes functiones non solum absque labore, sed etiam cum oblectamento valet exercere, aut reipsâ dârâ occasione exercet. Nec tamen ex sanorum numero statim rejiciendus, qui cum aliquali labore quibusdam functionibus; dummodò ista læsio sit levis, nisi ad breve tempus, & præsentem causâ lædente persistat. Itaque quamdam veluti latitudinem habet valetudo, & intrâ limites non aded angustos continetur. Alii enim non nisi à causâ gravi, alii verò à causâ vel levissimâ lædi possunt; sani quidem utrique dicendi, attamen sani præ cæteris haberi merentur, illi quorum functiones difficillimè turbantur, siquidem diutius illibata persistere potest eorum sanitas. Sed diversum vitæ genus habere illos debere, ex inde patet quòd alii lædantur à rebus, quas faciliè ferant alii : rerum enim non naturalium usus habetur bonus aut malus, prout confert vel nocet sanitari cujusque individui. Quis Medicus idem vitæ genus imperare auderet debili mulierculæ, teneroque infanti alioqui sanis ac milite aut illi, ut verbis Poëtæ utar, *gravem duro terram qui vertit aratro*. Itaque non omnibus sanis præcipitur præceptum illud Celsianum, sed tantum sanisqui benevalent, id est, quorum levi de causâ functiones non læduntur.

I I I.

MA X I M I interest vel & sanissimis ut constantem & firmam illam valetudinem inconcussam servent; quod ut consequantur necesse habent eam præfidiis contrâ externas injurias munire : namque licet sat roboris insit in illis ut propulsent causas leves quæ sanitati insidiantur; attamen si repetito ingruant causæ lædentes vel levissimæ, paulatim labefactando illam sanitatem, tandem corrumpere facient. Nulium autem præsidium tutius adinveniri potest in illo casu ipsâ consuetudine, cujus tanta est potentia, ut à vetustissimis sapientiæ Professoribus, quasi altera quædam habita natura sit, & monente divino *Hippocrate*, Aphor. 50. Sect. II. *à multo tempore consueta, etiam si fuerint deteriora insuetis minus turbare soleant*. Per consuetudinem verò hic intelligi volumus rerum sex non naturalium usum peculiarem repetitum & aliquandiu continuatum, quo fit ut organa machinæ animalis apta evadant ad motus suos statim temporibus aut modis edendos. Aded enim sunt comparata illa organa, ut motus quibus pluries moti sunt, repetant semper eodem modo; sic qui à causâ quâcumque externâ aliquoties somno excussus est horâ determinatâ, euigilarum sponte eâdem horâ assici etiam desinunt à causâ quæ pluries illa lacellivit : Indiarum incolæ nullam vim opii, cui assuecunt, soporiferam experiuntur; Agricollæ Calabrimi & Siculi vescuntur mannâ quâ alvus solvitur cæteris hominibus.

Debet ergo assuefieri sanus homo omnibus rebus non naturalibus, quarum actionem olim experiri poterit. siquidem illud absque ullo suæ valetudinis detrimento ferre potest; talis est enim constitutionis ejus vis & robur, ut minimè lædatur à

levi abusu rerum non naturalium, dummodò hic abusus non sæpius statim repetatur, sed tantum per vices & paulatim assuescendo. Quis enim adeò sanus ut hesternâ cenâ crudus possit sese novis alimentis ingurgitare absque noxâ. Si quo tempore assuescieri sic possumus rebus non naturalibus maxime in primâ infantia, in quâ nulla consuetudo jam contracta obstat quin contrariis assuescamus. Discant ergò parentes quàm malè agant cum pueris suis, quotiescumque illos ad statum vitæ genus adducunt, calidioribus cubiculis coercent, vestimentis onerant, aut illis denegant usuram aëris, exercitia interdunt, &c. Quid mirum, si exindè delicatuli exurgant, si inhabiles evadant ad munia vitæ adimplenda. Mancat itaque altâ mente repositum illis parentibus, si caram progeiem velint sanam vivere, utilemque civibus & patriæ, debere tum omnibus tempestatibus anni, tum omni ciborum generi assuescieri.

I V.

OPORTET igitur, ut præcipit CELSUS noster, hominem sanum *varium habere vitæ genus, modo ruri esse, modò in urbe, sæpiusque in agro: navigare, uenerari; quiescere interdum, sed frequentius se exercere. Prodest etiam illi interdum Balneo, interdum aquis frigidis uti: nullam cibi genus fugere quo populus utatur: interdum in convivio esse, interdum ab eo se trahere: modò plus justo, modò non amplius assumere: his die potiùs, quàm semel cibum capere: & quamplurimum, dummodò hunc concoquat. Illi concubitus (si legitime frui licet) neque nimis concupiscendus, neque nimis pertimescendus est: rarus, corpus excicat, frequens solvit. Cum autem frequens non numero sit, sed naturâ, ratione ætatis, & corporis; scire licet, eum non inutilem esse, quem corporis neque languor, neque dolor sequitur.*

En præcepta quæ Medicina tradit sanis hominibus. Sic omnibus rebus assuesacti, nullis indigebunt, aut potiùs quæque harum carere poterunt, & tamen indè nullum capient detrimentum, cum vices illius supplere facillimè possint, substituendo res æquè assuetas. Quid verò dulcius illo vitæ genere, in quo homini valido frui datur paratis; in quo malefano urbium tumultui succedit amœna quies rurum, ubi.

Libet jacere, modò sub antiquâ ilice,

Modò in tenaci gramine.

Ubi

Aut tradit acres hinc & hinc multa cane

Apros in obstantes plagas,

Aut amite levi rara tendit retia,

Turdis edacibus dolos,

Pavidumque leporem, aut advenam laqueo gruem

*Jucunda captat præmia.**

* Horat.
Epod. 11.

Et si edaces curas fugare potest, omni ex parte beatus dici meretur. Desinant ergo miseros prædicare, qui medicè vivunt, siquidem felices verè dici possint soli viventes medicè.

V.

ATTAMEN quando quidem,

Est modus in rebus, sunt certi denique fines;

*Quos ultra citràque nequit consilere rectam.**

* Horat.
serm. Lib. 1.
satyr. 1.

4

Cavendum monet idem *CELSUS* ne in *secunda valetudine*, *adversâ præsidia consumatur*: Quod certè cavere non poterit homo sanissimus, si à prudenti & sapientissimo Medico non edidicerit quæ illi confectanda, quæ verò fugienda sunt, si ab illo non acceperit præcepta quæ superius tradidimus; aut si, quod caput est, non sit certior factus se esse de numero illorum, quibus unica lex præcipitur *ne se ullis legibus obligent*. Undè sat mirari non possum quod auctor cæteroquin sapiens & doctrinam medicam apprime edoctus subjecerit, veluti novum præceptum, cum cæteris adeò parum congruens, hominem sanum, *neque Medica neque Iatraliptâ egere debere*. Sed licet erroneum illud præceptum rejicere cogamur, non impediēt tamen quominus cum illo concludamus.

Ergo sanus, qui & benè valet, & suæ spontis est, nullis obligare se legibus debet.

Proponēbat Parisiis MATHÆUS GÉRAUD, Claromontanus apud Alvernos,
Doct̃or Medicus Remensis, necnon Saluberrimæ Facultatis Medicinæ Parisiensis
Baccalaureus. R. A. S. H. 1783. AB OCTAVA AD MERIDIEM.